

2 Jon

Yäñ-yäkñarani äma nämo täñkentäñ yämne

¹ * Watä ämajin näkä webe pähap yäpmäñ daniwani gäk ba äpetkaye nanakaye inta man ño kudän täñpäñ tamitat. Näk nadäñ tamikinik täk täyat. Täñpäkañ näkñagän nämo. Ämawebe man bureni-inik nadäñpäñ bänepi-ken pek täkañ u bok nadäñ tamikinik täk täkamäñ. ² Man bureni unitä täñpewän not ude täñpäñ itkamäñ. Man bureni uwä bänepnin-ken pätak ba pen api pat yäpmäñ kwek.

³ Eruk, Anutu Nan ba nanaki Jesu Kristo unitäño orakoraki ba butewaki ba bänep pidämtä bämopnin-ken pen kañ it yäpmäñ ärowän. It yäpmäñ äronjirän man bureniñän nadäñpäñ Anutu täño bänep iron terakgän it täkäna. ⁴ * Tägagämän kubä nadätat! Man bureni-inik Nantä kañ iwarut yäñpäñ peñ niwetkuko u äpetjiye nanakjiye ätutä buramiñpäñ yäpmäñ kuñat täkañ. Manbiñam ude nadäñpäñ bänepnatä oretoret pähap nadäk täyat. ⁵ * Unita webe pähap, man kudupi nämo gäwerayäñ. Nämo, bian mebäri-ken umunitä nadäñ yäpmäñ äbäk täñkumäño ugänpäñ gäwerayäñ. Uwä ñode; Äbot täñpani ämawebe nin bänep iron täktäk kowata kowata täñpäñ kuñat täkäna. ⁶ * Täñpäkañ bänep iron kädet täño mebäri u ñode; Nin Anututa

* 1:1: 1Pi 5:1; 3Jo 1 * 1:4: 3Jo 3 * 1:5: 1Jo 2:7, 3:11 * 1:6: 1Jo 5:3

gäripi-inik nadänpänä unitäño mani buramine. Unita äneji yäkgän tänpa; Man yäput penpän ñode nadänkuño udegän iwat täkot; Bänep iron täktäk kädet iwatpän kuñat täkot.

7 * Nadäkan? Yän-yäkñarani äma mäyap it yäpmän kukan. Äma udewani Jesu Kristo äma äworenpän ahänkuko unitäño manbiñam ut täkan. Äma udewaniwä yän-yäkñarani äma ba Kristo täño iwan ubayän. 8 Unita äma udewanitä täñ-täkñat-pewä Ekäni täño kädet iwatpän gwäki yäpmäkta piäni täk täñkuño u paot tamekta nadänit nadänit kuñat täkot. Pen ude täñ yäpmän kuñarirä Anututä kowata gwäki ärowani pähap api tamek.

9 * Tänpäkan äma Jesu Kristo täño manbiñam säkgämän nämo initkan iniken nadäk yäpurärätpän yänahäk täkan, äma udewanita ñode nadäneñ; Anututa biñam nämo itkan. Täñ, äma Jesu täño manbiñam ugänpän pen initpän yäpmän kuñat täkan uwä Nan ba Nanakitä äma ukät bok it täkan yän nadäk täkot. 10 * Tänpäkan äma kubätä inken kuñpän Jesu u äma äworenpän kome terak kuñatkuk yän man siwoñi ude nämo täwetpän täwoñärewayän täko uwä not täñ imiñpän yotjin-ken nämo yänikñat yäpmän äroneñ. 11 Täñ, in kubätä äma udewanita not tänpänä jop manman yäwani täño noripaki yän nadäkot.

12 * Nanaknaye, man mäyap täwerayän nadätat upänkan mäyap nämo kudän täñ tamayän. Ärewayän nadätat unita kadäni ärewayän täyat uken man yänpän-nadäk kan täna. Ude tänpän

* 1:7: 1Jo 4:1-3 * 1:9: 1Jo 2:23 * 1:10: Efe 5:11; 2Te 3:6

* 1:12: 3Jo 13-14

bänep oretoret bureni api nadäne. ¹³Eruk, yäpmän daniwani notkapak unitäño äperiye nanaktä bänep täga man täwetkañ ɲo. Ugän.

Anutu Täŋo Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 3 Mar 2023 from source files dated 9 Oct 2020

914cbf46-f59a-54d1-b209-0f763534edb5